



**KI KYNDON HALOR KA
JINGPYNTREIKAM IAKA RUKOM
PYNMIH BOR DING NAKA BOR KA
UM HALOR KA JINGPYNTREIKAM
IA KA DECENTRALIZED GREEN
ENERGY DEVELOPMENT PROJECT**

Ka jinglamkhmat jong ka Institute of Natural Resources, Meghalaya (INR) bad ba la bei tyngka da ka National Bank for Agriculture and Rural Development (NABARD)

Green Energy Mission

1. GREEN ENERGY:

Ka bor ba la tip kum ka Green energy ka wan na ki tyllong ba la don lypa ha ka mariang ba la tip kum ki jingdon jingem ka mariang. La shim ba kane ka long ka bor kaba khuid. Kane ka mut ba la pynmih ïa ka ryngkat bad khyndiat ka jingtah ïa ka mariang ne khlem kano kano ka jingtah satia bad kam pynmih ïa ki lyer bih greenhouse sha ka lyer kiba ju kyntiew ïa ka jingkhuit ka pyrthei ne ka global warming, kumba ju leh da ki mar ba la tep shapoh ka ramew ïa kiba lah ban thang.

Ki tyllong ba pynmih ïa ka Green energy ki kynthup: Lyer, ki bor ba don shapoh ka ramew ne Geo-thermal, ka bor na ka um, ka bor na ka sngi bad ka Biomass.

Ka lyer bad ka um ki pynmih ïa ka bor lyngba ka jingkhij jong ki, katba ka geo-thermal biomass bad ka sngi ki pynmih ïa ka bor lyngba ka jingkhuit. Baroh kine ki ai ïa ka bor ba lah ban shaniah bad ki ïada ïa ka mariang.

Ka jingsngewtynnad ha kane ka green power ne ka bor ba wan hi na ka mariang ha ki ri ba la ïaid shaphrang bha ka la don 25 snem, kaba sdang ha ki bynta pdeng jong ki snem 1970 hadien jong ka jingkyrdudh umphniang ha ka pyrthei ba la tip kum ka first oil shock. Ka bording electric ba ïoh na ki tyllong ba lah ban pynthymmai la tip kum kaba jyrngam ne "green" namar ba kam da pynmih than eh ïa ki lyer bih greenhouse. Ha ki snem 1970 bad 1980, ka jingsngewtynnad ïa kane ka bor ba la tip kum ka green power ka wan na ka thong ban bujli noh ïa ka jingthang da ki mar ba don shapoh ka ramew khnang ban pynduna ïa ka jingshaniah ha ka umphniang. Mynta ka don ka thong ba kham ïar: ban pynduna ïa ka jingmih ka CO₂ (ka lyer bih ba bun tam ba pynkhuit ïa ka pyrthei) kaba mih na ka jingthang ïa ki mar ba don shapoh ka ramew bad ka jingpom pathar ïa ki dieng.

2. KA JINGLONG JINGMAN JONG KA GREEN ENERGY HA MEGHALAYA:

Da 70% ka jingthung dieng biang bad u slap uba jur bha ba ka thain ka mad, kum kine ki projek ki long kiba kongsan na ka bynta ka Meghalaya, ka jylla ba donkam kumba 610 MW ka bor, ha kaba mynta la pynmih 354.7 MW da ka Meghalaya Power Generation Corporation Limited. Khnang ban lah ban shaniah halade, la ithuh ïa ki tyllong ba pynïoh ïa ka bor ba lah ban pynthymmai.

3. KA GREEN ENERGY MISSION:

Ka bor ka don ïa ka bynta ba kongsan ha ki liang baroh bad ka ktah ïa ki kam pynroi. Ki bynta bapher bapher jong ki kam pynroi ha ka imlang sahleng, ka ïoh ka kot, ka mariang sawdong sawkun, ka jingïoh ïa ka um, ka koit ka khiah, ka pule puthi, ka longkynthei longshynrang, ka rep ka riang bad ki jingkamai ki don jingïadei beit beit ne da kiwei kiwei ki rukom bad ka kam pynmih bor. Ka


long kaba donkam ban pynneh ia ka, ban lah ban iai pynthymmai bad ban ym pynjot ia ka mariang khnang ban poi sha ka thong ba la buh da ki Millennium Developmental Goals (MDGs) bad ka jingkylla ha ka jinglong ka suiñbneng ne ka Climate Change. La nang pynkupbor ia ki shnong bad ki briew da kaba ailad ia ki ban jied kumno ban pynioh ia ki jingdon jingem. Ka sorkar ka don ka bynta ban pyniasoh haba ianujor bad ki rukom ba ka long ma ka mynshwa ka nongai ia kine ki jingdon. Ka jingpynkupbor ia ki briew ha ki ri ba dang sdang kiew ka long kaba kongsan. Kum kine ki lad ki iarap ia ki shnong ban khie haba mad jingeh, ban ieng skhem haba wan pyrshah ki bor jong ki iew ha ka pyrthei bad kaba kongsan tam, ban sngew thikna ba ka rukom im kan kham bha.

Da ka jingkylla sted ha ka jinglut ki tyllong ba ai ia ka bor baroh shi katta, da ka jingkieu ka jingdawa ia ka bor, ka lawei jong ka jingioh bording electric kam long shuh kaba shngain. Kane ka la lam sha ki kam pynroi bad sha ka jingpyndonkam ia ki tyllong bor bym ju pyndonkam naduh mynshwa. Ka jingeh ka long ba ym lah shuh ban pyniar ia ki electric power grid sha ki nongkyndong kiba don jngai bha sha ki jaka khlaw. Ka jingbymdon ki lad ban thang ding ban shet jingshet da ki tyllong bakhuid, ka nang wanrah jingeh shuh shuh bad ka nang pynkhrav ia ki jingpang na ka jingring bad pynhiar mynsiem bad kiwei de ki jingpang, khamtam ha ki kynthei bad ki khynnah. Ka sorkar Meghalaya ha ka snem ba la leit ka la sdang ia ki katto katne ki projek ban pyndonkam ia ka bor ba lah ban pynthymmai ha ka jylla. Ka sorkar ka la buh ia ki projek ban khmih ia ki jingdonkam jong ki shnong barit barit ha ka jylla.

Ki don da ki hajar ki shnong ha Meghalaya kiba don ia ki wah kiba rit. Kine ki wah ki lah ban pynmih bording ban pyndap ia ka jingdawa ha ka jylla. Ka Pico hydro generator's mission ka dei kaba la buh na ka bynta kane ha kine ki shnong, khnang ba kin nang lah ban kiew ha ka jingim. Ka MBDA ka thmu ban hikai bad pynkupbor ia ki briew ban pynneh ia ki jingthaw ba im ha ka mariang bad ba kin ioh ruh ia ka bor. Ka bor ba khuid bad ba wan na ka mariang lyngba ka jingkhmih ka MBDA, la ka long kaba rit makna, ki lah ban leh eiei ban pynduna ia ka jingkhluit ha ka pyrthei khamtam ha ka phang shatei lam mihngi ki Himalaya.

4. KA GREEN ENERGY LYNGBA KA BORDING PICO HYDRO:

Ka Pico hydro ka dei ka bording ba mih na ka um kaba pynmih 5 kilowatt. Ki jaka pynmih bording ba katne ka bor ban ai bording ki don jingmyntoi ha ka liang ka jinglut bad ka rukom pynwandur, ka rukom treikam bad ka jingbuh ia ka ban ia kito kiba pynmih bun ka bording. Ka Pico hydro technology ha ka jingshem ba dang shen ka la long ka tyllong jong ka bor, kaba duna ka jinglut wat ha ki jaka ba duk tam bad ba jynjar ban poi. Ka dei kaba biang ha baroh ki liang.



KA RUKOM PYNBEIT IA KA JAKA PYNMIH BORDING BARIT

5. KI JINGBTHAH NA KA BYNTA KA JINGPYNTREIKAM IA KA DECENTRALISED GREEN ENERGY DEVELOPMENT HA MEGHALAYA:

KYRTENG KA PROJEK: Decentralized Green Energy Development Mission ba pyndonkam ia ka "Hydroand Generator", ne Hydro Generator/Pico Turbine. Ka jingthmu jong ka Decentralized Green Energy Project Mission ka long ban kyntiew ia ka mariang bad ka Green Energy. Ka Green Energy ka dei ka bor ba lum na ki tyllong ba don ha ka mariang kum ka jingshai ka sngi, ka lyer, u slap, ki jingat phyllung, bad ka jingshit ba don shapoh ka ramew. Ka bor ba lah ban pynthymmai ka ai ha ngi ia ka bor ha ki saw tylli ki bynta ba kongsan: ka jingpynmih bording electric, ka jingkhluit/jingpjah ka lyer bad ka um, ka leit ka wan bad ki jingshakri ai bording ha ki nongkyndong (off-grid). Jan baroh ki kam ba pynmih pisa ki don kam ia ka bording electric, lada kine ki kam, la ka long kaba rit bha, barit ne ba pdeng ki pynmih ia ka Green Energy, kan pynmyntoi ia ki bad ia ka mariang. Kawei pat ka bynta ka long ban pynthikna ba kiei kiei kiba don ha ka mariang kin plie lad ban im bad kamai ki briew.

KI JINGTHMU JONG KA PROJEK:

- i) Ban pynkupbor ia ka shnong bad ban pynsngewthuh shaphang ka jingpyndonkam ia ka green-energy bad ki jingmyntoi na ka.
- ii) Ban pynmih ia ka bor kaba neh, ba lah ban pynthymmai bad bym pynjot ia ka mariang ban poi sha ka thong ba la buh da ka Millennium Developmental Goals (MDGs) bad ka jingkylla ha ka jinglong ka suiñbneng.
- iii) Ban pynthikna ban pynioh ia ka umdih kham hajan ki iing ban pynduna ia ka jingtrei khia ki kynthei bad ki khynnah.

- iv) Ban kyntiew ïa ka rukom im da kaba ai bording electric sha ki ïing, ka um ban dih bad ban ai sha ki jaka rep.
- v) Ban ai bording sha ki karkhana ba don ha la ïing kum ki jaka leh welding, ki jaka tylliat khaw, ki jaka shna marbam bad kiwei.
- vi) Ban buh ïa ki jingpynmih bording na ka um kiba rit ha kine ki shnong, ban ai ïa ki ka bor ba biang ba kin nang kiew ha ka jingim.
- vii) Ban pynthikna ban don ka jingïada ïa ki jaka ba wan tuid lang ki um hajuh ban biang ka jingïaid ka um ha ki waduid bad ki wah.
- viii) Ban kyntiew ïa ki jingim ha ki wahduid bad ki wah bad ban biang ka um ban dih, ban ai sha ki jaka rep, ban ai sha ki jingri nalar kaba pynmih bording bad ban kyntiew ïa ki kam jngohkai pyrthei.

KI KYNDON BAD KI SHNONG BA WAN HAKHMAT EH:

Ka hydro generator Mission kaba thmu na ka bynta ban pynbiang bording sha ki jaka ba kyndong, ki shnong ba jynjar ban poi ne ki kynhun jong ki ïing bym pat don bording electric kiba jngai na ka grid ha ki khatwei tylli ki distrik jong ka jylla bad kibym hap hapoh kano kano ka scheme jong ka MeECL ne jong ka sorkar pdeng. Ka bor ba ïoh na ki hydro generator/Pico Turbine ki dei na ka bynta ki shnong ban khring ïa ki nongjngohkai pyrthei lyngba ki kam ba don ha ka mariang, ka jingbuh street light ha ki lynti shnong, ki karkhana rit ha ki ïing, bad kiwei.

- KI JAKA BA PYNTREI IA KA PROJEK** : 11 tylli ki Distrik jong ka jylla
- KATNO TYLLI KI SHNONG BA KYNTHUP** : 220 tylli
- KA POR BAN PYNTREI IA KA PROJEK** : 2 SNEM
- KA KYNHUN BA PYNTREI IA KA PROJEK** : INSTITUTE OF NATURAL RESOURCES, MBDA
- KI KAM HA KA PROJEK** : 1. Ka jingai jinghikai ïa ki Engineer, ka Village Energy Committee halor ka jingpynïaid kam & jingsumar.
: 2. Ka jingthaw ïa ka Weir, Forebay bad Penstock
: 3. Pyndait ia ka Hydroger, shna ia ka Power House bad ki Transmission Line
: 4. Ka jingai jingpynshai ha ki surok/ïing; ka jingai bording sha ki karkhana rit ha la ïing.

KI JINGPYNBEIT NA KA BYNTA KA JINGPYNTREIKAM IA KA PROJEK:

KA STATE PROJEK MANAGEMENT UNIT:

Ha ka kyrdan SPMU, ïa ka Projek yn khlieh da u Director jong ka Institute of Natural Resources, MBDA ban kyrshan da 2 ngut ki riewshemphang, iwei na ka bynta ka Khasi Hills bad iwei na ka bynta ka Garo Hills ryngkat bad u Technical Assistant bad ki Field Assistant. Ka SPMU kan khmih ïa ka jingtreikam ka projek man la ka sngi.

Ki bynta & Jingkitkhlieh ka PMU:

- Ban ai jingkyrshan ha ki jingbatai bad ki briew ban pyntreikam ïa ka projek bad na ka bynta ban khmih bad ai jingmut ïa ki lad ba dei ban shim.
- Ban pynlong ïa ki jingai jinghikai bad ki jingleit jngoh shabar ban ïoh jingtip shuh shuh.
- Ban pynïoh ïa ki kor ki bor ban pynmih bording bym ktah ïa ka mariang ne ka Green Energy.

KA DISTRICT IMPLEMENTATION UNIT BAD KA BLOCK IMPLEMENTATION UNIT:

U DC u dei u khlieh ha ka Distrik bad u BDO ha ka Block, bad la kyrshan da ki DPM, ki Nodal Officer bad ki Field Engineer.

Ki bynta & ki Jingkitkhlieh jong ki BDU:

- Ban pynwanlang hajuh, ban khmih bad ai kaiphod.
- Ban pynkhih ïa ki VEC ban soi ïa ka soskular ne Social Agreement, ban shim rai da ka VEC bad ban pynïasoh bad kiwei ki programme kum ka MGNREGS bad ki scheme sorkar hapoh ki tnad bapher bapher.
- Ban pynthikna ba la khmih ïa ka jingïaid shaphrang ki VEC, ban buh jingthoh bha ïa ka jingtip ba ïadei bad ka VEC bad ban pynïoh Utilization certificate na ka bynta ka pisa ba la pyllait sha ki.

KA VILLAGE IMPLEMENTATION UNIT:

Ha ka kyrdan shnong, ïa ka Village Employment Council (ba la tip ruh kum ka Village Energy Committee – VEC) dei ban thaw ba kan shim jingkitkhlieh na ka bynta baroh ki kam ha ka projek. Kan kynthup ïa ki nongtrei mon sngewbha na ka shnong – 2 ngut na kawei ka shnong.

Ki Bynta & Jingkitkhlieh jong ka shnong:

- Ki bor shnong kin long trai ïa ka projek.
- Ki bor shnong ki dei ban ithuh ïa ka jaka ban pyntreikam ïa ka projek katkum ka jingtyrwa ba la buh. Ka jaka ka dei ban long katkum ka jingtyrwa.
- Dei ban long trai ïa ka jaka da ka shnong ne ka kynhun ki briew, lada ym don jaka jong ka shnong.
- Dei ban pynkhih ban noh synñiang sha ka projek la ka long da ki tiar ne ka bor met, bad yn buh jingthoh ïa kine.
- Ban pynkhih ïa ka jingïasoi soskular halor ka jingïatreilang /Social Agreement. Pyntreikam ïa ka projek katkum ka DPR/PCN.
- Ka Projek kan treikam kum kaba la long trai lang da ka shnong. ïa ki jingïohnong na ka projek, yn buh ha ka Village Energy Committee. Ki bor shnong kin rai lang bad ka shnong baroh halor ka jingpynïaid ïa ka projek na kane ka pisa ba la lum, bad kiwei.
- Ka shnong kan thaw ïa ka Village Energy Committee ba kynthup ïa 70% ki shynrang bad 30% ki kynthei ban trei ïa kine ki kam harum:
 - i. Ban pynkhih bad thaw ïa ka jingsngewtynnad ha ki nongshong shnong ban pyntreikam da ka jingjop ïa ka projek.
 - ii. Ban buh ïa ka Corpus fund ban pyntrei ïa ka projek bad ban pynïaid ïa ki kam jong ka.
 - iii. Ban lum pisa man la u bnai na kiba pyndonkam ïa ka bor katkum ka dor ba la buh da ka VEC.
 - iv. Ban thung ïa ki operator bad kiwei ban pynïaid ïa ka projek bad ban buh ïa ka jingsiew katno ban ai shi bnai ïa u operator.
 - v. 20% na ka jingmyntoi Net Benefit ba la lum, yn thep na ka bynta ki kam pynroi ha ka imlang sahlang ïa kiba la ithuh da ka shnong.
 - vi. Ka Committee ka dei ban plie ïa kawei ka Bank Account thik tang na ka bynta ka projek.
 - vii. Ban kyntiew ïa ki kynhun rep lyngba ka bor kaba don.

KI JINGIATREILANG HA KA PROJEK:

Ki Micro Hydel Power Projek ki don ïa ka jinglah ban pyniatreilang ïa ki projek ka Water Resources Multipurpose Reservoirs (MR), ka Meghalaya Non-Conventional & Rural Energy Development Agency (MNREDA), ka National Bank for Agriculture and Rural Development (NABARD), ka tnad Soil and Water Conservation (S&WC) bad ka State Council of Science Technology and Environment (SCSTE). Ka Mahatma Gandhi National Rural Employment Guarantee Act (MGNREGA) ruh kan don ïa ka bynta ba kongsan ha ka jingdon ki briew ban trei bad ban pynbiang ïa ki jingtei jingshna.

ïa ki bynta kum ka jingkhmih bha ïa ki jaka ba wan tuid lang hajuh ki um lah ban leh hapoh ka MLAMP ne ka tnad Forest and Environment; ka jingpyllait ïa ki symbai dohkha ha ki pung ba la don bad lah ban leh ïa kane na ka tnad Fishery. Ha ki jaka ba lah ban buh ïa ki pung

bathymmai, lah ban wad jingïarap na ka tnad Water Resources, Soil and Water Conservationalor ka MGNREGS.

KA JINGMYNJUR HA KA IMLANG SAHLANG NE KA SOCIAL AGREEMENT

Kane ka jingïamynjur ba la ïasoi hapdeng ka MINR-MBDA, Shillong kaba la buh ha ka snem 2019 hapoh ka Society Act of 1983, kaba don ïa ka head office ha Bishop Cotton Road, Shillong - 793001 ba la mihkhmat da u Director.

bad

Shnong..... ba la mihkhmat da u Rangbah Shnong, Bah
 Khun jong P.O
 Block Distrik
 Jylla.....

Ki kyndon:

Ki bynta bad Jingkitkhlieh jong ka kynhun ba pyntrei ia ka Projek:-

1. Ka MINR-MBDA ka la shim ia ka bynta ban pyniadon bynta lang da ka shnong ha ka jingbuh ia ki Pico Turbine ban pynioh bording electric ha ki iing. Lada ka shnong ka la biang ka bording, ia ka bording ba pynmih na ka hydro generator/Pico Turbine lah ban pyndonkam na ka bynta ka jingpynshai ia ki surok shnong, ki karkhana rit ha la iing bad kiwei.
2. Ka MINR-MBDA kan sdang ia ka jingthied ia ki Pico-Turbine.
3. Ka MINR-MBDA kan kyrshan ia ka jingshna jong ka jingsdang ka kam, ka power house, u transmission line bad ka jingbuh ia ki Pico Turbine hapoh kane ka por ba iakut.
4. Ia ka projek yn pyntrei hapoh shisnem naduh ka por ba la ioh ia ka pisa ha ka bank account jong jong

Ki bynta bad Jingkitkhlieh jong ka Village Energy Committee (VEC):-

1. Ia ka pisa ba la mang sha ki VEC na ka bynta ban buh ia ka Pico-Turbine, yn pyndonkam thik na ka bynta ka kam ba la mang ha ka work order.
2. Ka shnong ka dei ban kloj ban noh synniang kumba 10% na ka bynta ka projek ha ka dur jong ki tiar, ka jingtrei bor met, bad dei ban buh jingthoh bha ia kine.
3. Ka VEC kan buh jingthoh bha ia ki jinglut jingsep bad kan ai ia ki Utilization Certificate ryngkat bad ki voucher sha ka BDU lada ia ka pisa la pyllait lyngba jong ki bad sha ka MINR, MBDA lada ia ka pisa la pyllait da ka MINR-MBDA.
4. Ka VEC kan iashimbynta ha baroh ki jingai jinghikai ba pynlong da ka MINR-MBDA.
5. Ka VEC kan ithuh ia u Village Energy Facilitator ban pyntrei bad khmih ia ka Projek napdeng ki samla ka shnong, kan kham bha da kiba don jingtip ia ki kam bording.
6. Ka VEC kan buh ia ka Corpus Fund da kaba lum pisa ban pynbiang ia kiba jot hangne hangtai, ban khmih ia ka Projek nalor kaba ai bai burom sha ki Village Energy Facilitator.
7. Ia ki jingbthah ba iadei bad ka jingkhmih bad jingpyniaid ia ka jaka ba buh Pico Turbine dei ban sngewthuh shai bad mynjour.
8. Ka VEC kan shim jingkitkhlieh bad jinglong trai ia ka projek.
9. Ka VEC kan mynjour ban ym pyntam ia ka jinglah ban pynmih bording namar ka lah ban buh jingma lada pynkhia bad dei ban phikir bha bad kiar na ka jingma katba lah.
10. Ka VEC kan buh ia ka Insurance Policy na ka bynta kano kano ka jingjia ba sngewsih ha ka Projek.

Ka por ba iakut:

Kane ka jingiamynjour kan treikam nyngkong eh shisnem kaban sdang naduhhaduhhadien ka jingiasoi da baroh ar liang, bad ia kane ka jingiamynjour yn sa pynthymmai biang, bad lada ym lah ban leh kumta, ka MINR-MBDA kan weng noh ia ka jingkyrshan. Ia kane ka jingiamynjour lah ban khmih biang bad pynkylla katkum ka jingdonkam bad ka jingiamynjurlang da ki kynhun.

JINGKULAR

Kine ki rai harum ki dei kiba la iashimlang da ki dkhot ka Village Energy Committee (VEC) ha kaba iadei bad ka jingpyntrei ia ka Decentralized Green Energy Development Project ba la bei da ka NABARD hapoh ka RIDF XXIV bad ba la iarap da ka INR, Meghalaya, Shillong:-

1. Ma ngi, ki dkhot ka VEC ngi la pyndonkam ia ka pisa ba la mang ia ngi na ka bynta ban buh ia ka Pico-Turbine katkum ka dor ba la kheiñ.
2. Ma ngi, ki dkhot ka VEC ngi la noh synniang 10% sha ka projek da ki tiar ki tar bad ka jingtrei bor met bad la buh jingthoh bha shaphang kane.
3. Ma ngi, ki dkhot ka VEC ngin buh jingthoh bha ia ki jinglut jingsep bad ai ia ki Utilization Certificates ryngkat bad ki voucher sha ka BDU lada la pyllait pisa lyngba jong ki bad sha ka MINR, MBDA lada la pyllait pisa da ka MINR-MBDA.
4. Ma ngi, ki dkhot ka VEC ngin iashimbynta ha ki jingai jinghikai ban pynlong da ka MINR-MBDA.
5. Ma ngi, ki dkhot ka VEC ngin thaw ia ka Corpus Fund da kaba lum pisa na kiba pyndonkam khnang ban maramot lada don jingthut, ban pynneh ia ka Projek nalor kaba siew ia ka bai burom sha ki Village Energy Facilitator.
6. Ma ngi, ki dkhot ka VEC ngi la sngewthuh shai bad mynjour ia ki jingbthah ha kaba iadei bad ka jingpyniaid bad jingsumar ia ka Pico Turbine Unit.
7. Ma ngi, ki dkhot ka VEC ngin shim jinglong trai bad sumar ia ka projek.

8. Ma ngi, kiba pyniaid hakmat ngi la ioh jinghikai bad ngi kloj ban leh eiei lada jia kiei kiei kiba ngim khmihlynti lypa kiba lah ban pynthut ia ka jingtreikam ka Unit.
9. Ia ka jinglah ban kit ka unit pynmih bording la sngewthuh da ki dkhot ka VEC bad la mynjour ban ym pyntam ban ia ka jingkit namar ka lah ban buh ha ka jingma lada pynkit tam bad ngin phikir bha bad kiar na ki jingma.
10. Ia ki kyndon ban pyntreikam ia ka Unit hadien ba la buh ia ka la sngewthuh da ka VEC ha kaba kan pynmih pisa hapoh ka shnong ban sumar bad pynneh ia ka Hydro unit.
11. Ma ngi, ki dkhot ka VEC ngin buh ia ka Insurance lada jia kino kino ki jingjia ba sngewsih na ka daw jong ka Projek.
12. Ma ngi, ki dkhot ka VEC ngin ithuh bad wad ia u Village Energy Facilitator ban pyniaid bad sumar ia ka Projek napdeng ki smala ka shnong, lada lah ban ioh kan kham bha da uba don jingtip ba kongsan shaphang ki kam electric bad ban pynioh ia ki jingdonkam.
13. Ki Operator ba la ithuh ki long kine harum:-
 - a.
 - b.
 - k.
 - d.

.....
VEC Chairman

.....
VEC Secretary

